



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1648

§. 7. De mari Carpathio & Rhodiensi.

urn:nbn:de:hbz:466:1-13147

lib. 1. Tamen Strabo, lib. 14. & Plinius ab Insulâ denominatum malunt.

De huius amplitudine non leuis difficultas, seu Austrum, seu Boream, sive Orientem, sive Occidentem spectaueris.

Si Orientem consideres, reperties apud Strabonis Compactorem *Aſſaticum* appellari: vbi tamen nonnulli audaciores pro *Aſſatū* reponunt *Icarium*: sed apud ipsum Strabonem dicitur, quod *Aſſatū* deinceps est, & ad illud *Aeolidem*, *Iouiam*, *Cariam*, & *Lyciam* affigit, quibus verbis satis exprimitur *Icarium* mare. Verum diserte Solinus cap. 26. *Aſſaticum* nominat.

De extensione in *Boream* duas inuenio sententias. Prima Ptolemaeilib. 5. qui *Icarium* mare inter *Argenum* Pro. & *Pyrrham* urbem restringit, & tres insulas eluere docet *Icariam*, *Chium*, & *Samum*. Altera Strabonis, qui lib. 2. *Icarium* inchoat ab *Helleſponto*.

A Meridie disiungi puto per lineam ductam ab urbe *Gnido* ad *Samonium* Pro. quod ex Strabone lib. 10. didici.

De termino Occidentali, qui Myrtoo Orientalis est, ita statuit Plinius lib 4. cap. 11. *Icarium* mare dicitur, quod est inter *Samum* & *Myconum*. Sed hunc limitem magis promovet Sophoclis vetus Scholiaſtes, & eo Delum includit. Quod autem Plinius lib. 4. cap. 12. ait Cycladas & Sporadas circumfundit ab Occidente Myrtoo, ab Oriente Icario, sicut à Septentrione, & à Meridie verò Cretico, & Carpathio, tantum abest ut quæſtionem ſoluat, quin potius confundit.

§. 7. De Mari Carpathio, & Rhodiensi.

Hæc duo maria in vnum reduximus, quoniam Strabo lib. 2. *Carpathium* protrahit μέχει Ρόδης, apud quem, & perperam legitur γιγαντοὶ pro Καρπάθοις. Meminit tamen idem Strabo *Rhodij maris*, seu ἀναχύσεως Ρόδας. Plinius lib. 4. cap. 12. *Carpathium* coniungit cum *Cretico* ab Occidente, à Septentrione cum *Iario*, de aliis terminis tacet. Ptolemæus verò quamquam cap. 2. lib. 5. Rhodiensis maris terminos posuerit *Gnidum*, & *Caunum* in finibus *Lycia*, & lib. 3. cap. 17. latus Orientale *Cretæ* dixerit allui *Carpathio* mari: posteà tamen vbi cap. 2. lib. 5. insulas commemorat permiscere videtur Ρόδιανοὶ γιγαντοὶ. Item Strabo oblitus eorum quæ dixerat lib. 2. malè lib. 10. insulam *Co* in mari *Carpathio* locat.